## 0.0.1 pārileyyakasuttam

- 1. ekam samayam bhagavā kosambiyam viharati ghositārāme. atha kho bhagavā pubbanhasamayam nivāsetvā, pattacīvaramādāya kosambiyam pindāya pāvisi. kosambiyam pindāya caritvā pacchābhattam pindapātapatikkanto sāmam senāsam samsāmetvā pattacīvaramādāya anāmantetvā upatthāke anapaloketvā bhikkhusangham eko adutiyo cārikam pakkāmi.
- 2. atha kho aññataro bhikkhu acirapakkantassa bhagavato yenāyasmā ānando tenupasaṅkami. upasaṅkamitvā āyasmantaṃ ānandaṃ etadavoca: "ehā'vuso ānanda, bhagavā sāmaṃ senāsanaṃ saṃsāmetvā pattacīvaramādāya anāmantetvā upaṭṭhāke anapaloketvā bhikkhusaṅghaṃ eko adutiyo cārikaṃ pakkanto'ti.
- 3. yasmim āvuso samaye bhagavā sāmam senāsanam samsāmetvā pattacīvaramādāya anāmantetvā upaṭṭhāke anapaloketvā bhikkhusaṅgham eko adutiyo cārikam pakkamati ekova bhagavā tasmim samaye viharitukāmo hoti. na bhagavā tasmim samaye kenaci anubandhitabbo hotīti.
- **4.** atha kho bhagavā anupubbena cārikam caramāno yena pārileyyakam¹ tadavasari. tatra sudam bhagavā

bjt page 162

pts page 095

<sup>&</sup>lt;sup>1</sup>pālileyyakaṃ (machasaṃ, syā)

pārileyyake viharati bhaddasālamūle atha kho sambahulā bhikkhu yena āyasmā ānando tenupasaṅkamiṃsu. upasaṃkamitvā āyasmatā ānandena saddhiṃ sammodiṃsu. sammodanīyaṃ kathaṃ sārāṇiyaṃ vītisāretvā ekamantaṃ nisīdiṃsu. ekamantaṃ nisinnā kho te bhikkhū āyasmantaṃ ānandaṃ etadavocuṃ: "cirassutā kho no āvuso ānanda bhagavato sammukhā dhammīkathā icchāma mayaṃ āvuso ānanda, bhagavato sammukhā dhammiṃ kathaṃ sotu'nti"

- 5. atha kho āyasmā ānando tehi bhikkhūhi saddhim yena pārileyyakam bhaddasālamūlam yena bhagavā tenupasankami. upasamkamitvā bhagavantam abhivādetvā ekamantam nisīdi, ekamantam nisinne kho te bhikkhū bhagavā dhammiyā kathāya sandassesi samādapesi samuttejesi sampahamsesi. tena kho pana samayena añnatarassa bhikkhuno evam cetaso parivitakko udapādi: "katham nu kho jānato katham passato anantarā āsavānam khayo hotī"ti.
- 6. atha kho bhagavā tassa bhikkhuno cetasā cetoparivitakkamaññāya bhikkhū āmantesi: "vicayaso desito bhikkhave, mayā dhammo: vicayaso desitā cattāro satipaṭṭhānā. vicayaso desitā cattāro sammappadhānā. vicayaso desitā cattāro iddhipādā vicayaso desitāni pañcindriyāni. vicayaso desitāni pañcabalāni vicayaso desitā sattabojjhaṅgā. vicayaso desito ariyo aṭṭhaṅgiko maggo. evaṃ vicayaso kho desito bhik-

khave, mayā dhammo. evam vicayaso desite kho bhikkhave, mayā dhamme atha ca panidhekaccassa bhikkhuno evam cetaso parivitakko udapādi: "katham nu kho jānato katham passato anantarā āsavānam khayo hotī"ti.

- 7. kathaṃ ca bhikkhave, jānato kathaṃ passato anantarā āsavānaṃ khayo hoti: idha bhikkhave, assutavā puthujjano ariyānaṃ adassāvī ariyadhammassa akovido ariyadhamme avinīto sappurisānaṃ adassāvī sappurisadhammassa akovido sappurisadhamme avinīto, rūpaṃ attato samanupassati yā kho pana sā bhikkhave, samanupassanā, saṃkhāro so. so pana saṃkhāro kinnidāno kiṃsamudayo kiñjātiko kimpabhavo'ti: avijjāsamphassajena bhikkhave, vedayitena phuṭṭhassa assutavato puthujjanassa uppannā taṇhā tatojo so saṅkhāro.
- 8. iti kho bhikkhave, sopi kho sankhāro anicco sankhato paţiccasamuppanno, sāpi tanhā aniccā sankhatā paţiccasamuppannā, sāpi vedanā aniccā sankhatā paţiccasamuppannā. sopi phasso anicco sankhato paţiccasamuppanno. sāpi avijjā aniccā sankhatā paţiccasamuppannā. evampi kho bhikkhave, jānato evam passato anantarā āsavānam khayo hoti.

bjt page 164

- 9. na heva kho rūpam attato samanupassati api ca kho rūpavantam attānam samanupassati. yā kho pana sā bhikkhave, samanupassanā sankhāro so, so pana sankhāro kinnidāno kimsamudayo kinjātiko kimpabhavo: avijjāsamphassajena bhikkhave, vedayitena phuṭṭhassa assutavato puthujjanassa uppannā tanhā. tatojo so sankhāro.
- 10. iti kho bhikkhave, sopi sankhāro anicco sankhato paţiccasamuppanno sāpi tanhā aniccā sankhatā paţiccasamuppannā, sāpi vedanā aniccā sankhatā paţiccasamuppannā, so'pi phasso anicco sankhato paţiccasamuppanno, sāpi avijjā aniccā samkhatā paţiccasamuppannā. evampi kho bhikkhave, jānato evam passato anantarā āsavānam khayo hoti.
- 11. na heva kho rūpam attato samanupassati, na rūpavantam attānam samanupassati. api ca kho attani rūpam samanupassati. yā kho pana sā bhikkhave, samanupassanā sankhāro so. so pana samkhāro kinnidāno kimsamudayo kinjātiko kimpabhavo: avijjāsamphassajena bhikkhave, vedayitena phuṭṭhassa assutavato puthujjanassa uppannā tanhā tatojo so samkhāro.
- 12. iti kho bhikkhave, sopi kho saṃkhāro anicco saṃkhato paṭiccasamuppanno, sāpi taṇhā aniccā saṃkhatā paṭiccasamuppannā, sāpi vedanā aniccā saṃkhatā paṭiccasamuppannā. sopi phasso anicco saṃkhato paṭiccasamuppanno. sāpi avijjā aniccā saṃkhatā paṭic-

casamuppannā. evampi kho bhikkhave, jānato evam passato anantarā āsavānam khayo hoti.

- 13. na heva kho rūpam attato samanupassati, na rūpavantam attānam samanupassati. na attani rūpam samanupassati api ca kho rūpasmim attānam samanupassati. yā kho pana bhikkhave, samanupassanā samkhāro so. so pana samkhāro kinnidāno kimsamudayo kinjātiko kimpabhavo: avijjāsamphassajena bhikkhave, vedayitena phuṭṭhassa assutavato puthujjanassa uppannā tanhā. tatojo so samkhāro.
- 14. iti kho bhikkhave, so'pi saṃkhāro anicco saṃkhato paṭiccasamuppanno. sā'pi taṇhā aniccā saṃkhatā paṭiccasamuppannā. sāpi vedanā aniccā saṃkhatā paṭiccasamuppannā. so'pi phasso anicco saṃkhato paṭiccasamuppanno. sā'pi avijjā aniccā saṃkhatā paṭiccasamuppannā. evampi kho bhikkhave, jānato evaṃ passato anantarā āsavānaṃ khayo hoti.
- 15. na heva kho rūpam attato samanupassati na rūpavantam attānam samanupassati na attani rūpam samanupassati na rūpasmim attānam samanupassati. api ca kho vedanam attānam samanupassati api ca kho vedanāvantam attānam samanupassati api ca kho attani vedanam samanupassati api ca kho vedanāya attānam

pts page 098

bjt page 166

samanupassati. api ca kho saññam attato samanupassati api ca kho saññāvantam attānam samanupassati api ca kho attani saññam samanupassati api ca kho saññāya attānam samanupassati. api ca kho samkhāre attato samanupassati api ca samkhāravantam attānam samanupassati api ca kho attani samkhāre samanupassati na samkhāresu attānam samanupassati, api ca kho viññāṇam attato samanupassati api ca kho viññāṇavantam attānam samanupassati api ca kho attani viññānam samanupassati, api ca kho viññāṇasmim attānam samanupassati. yā kho pana sā bhikkhave samanupassanā, sankhāro so. so pana sankhāro kinnidāno kimsamudayo kiñjātiko kimpabhavo: avijjāsamphassajena bhikkhave, vedavitena phutthassa assutavato puthujjanassa uppannā tanhā. tatojo so sankhāro.

- 16. iti kho bhikkhave, so'pi saṅkhāro anicco saṅkhato paṭiccasamuppanno. sā'pi taṇhā aniccā saṅkhatā paṭiccasamuppannā. sāpi vedanā aniccā saṅkhatā paṭiccasamuppannā. so'pi phasso anicco saṅkhato paṭiccasamuppanno. sāpi avijjā aniccā saṅkhatā paṭiccasamuppannā. evampi kho bhikkhave, jānato passato anantarā āsavānaṃ khayo hoti.
- 17. na heva kho rūpam attato samanupassati na rūpavantam attānam samanupassati na attani rūpam samanupassati na rūpasmim attānam samanupassati. na

vedanam attato samanupassati na vedanāvantam attānam samanupassati na attani vedanam samanupassati na vedanāya attānam samanupassati. na saññam attato samanupassati na saññāvantam attānam samanupassati na attani saññam samanupassati na saññāya attānam samanupassati, na sankhāre attato samanupassati na sankhāravantam attānam samanupassati na attani sankhāre samanupassati na sankhāresu attānam samanupassati. na viññānam attato samanupassati na viññānavantam attānam samanupassati na attani viññāṇam samanupassati na viññāṇasmim attānam samanupassati. api ca kho evam ditthi hoti: so attā so loko so pecca bhavissāmi nicco dhuvo sassato aviparināmadhammo"ti. yā kho pana sā bhikkhave, sassataditthi samkhāro so, so pana samkhāro kinnidano kimsamudayo kinjatiko kimpabhavo: avijja samphassajena bhikkhave, vedayitena phutthassa assutavato puthujjanassa uppannā tanhā. tatojo so samkhāro.

18. iti kho bhikkhave, so'pi saṃkhāro anicco saṃkhato paṭiccasamuppanno. sāpi taṇhā aniccā saṃkhatā paṭiccasamuppannā. sā'pi vedanā aniccā saṃkhatā paṭiccasamuppannā. so'pi phasso anicco saṃkhato paṭiccasamuppanno. sāpi avijjā aniccā saṃkhatā paṭiccasamuppannā. evampi kho bhikkhave, jānato evaṃ passato anantarā āsavānaṃ khayo hoti.

bjt page 168

- 19. na heva kho rūpam attato samanupassati na rūpavantam attānam samanupassati na attani rūpam samanupassati na rūpasmim attānam samanupassati. na vedanam attato samanupassati na vedanam attato samanupassati vedanāvantam attānam samanupassati na attani vedanam samanupassati na vedanāva attānam samanupassati. na saññam attato samanupassati na saññāvantam attānam samanupassati na attani saññam samanupassati na saññaya attanam samanupassati. na samkhāre attato samanupassati na sankhāravantam attānam samanupassati na attani sankhāre samanupassati. na sankhāresu attānam samanupassati. na viññanam attato samanupassati na viññānavantam attānam samanupassati na attani viññānam samanupassati na viññānasmim attānam samanupassati. nā'pi evam ditthi hoti. so attā so loko so pecca bhavissāmi nicco dhuvo sassato aviparināmadhammo'ti, api ca kho evam ditthi hoti. " no cassam no ca me siyā na bhavissāmi na me bhavissati"ti. yā kho pana sā bhikkhave, ucchedaditthi samkhāro so. so pana samkhāro kinnidāno kimsamudayo kiñjātiko kimpabhavo: avijjāsamphassajena, bhikkhave, vedavitena phutthassa assutavato puthujjanassa uppannā tanhā tatojo so samkhāro.
- 20. iti kho bhikkhave, so'pi saṃkhāro anicco saṃkhato paṭiccasampanno. sāpi taṇhā aniccā saṅkhatā paṭiccasamuppannā. sāpi vedanā aniccā saṅkhatā paṭiccasamuppannā sopi phasso anicco saṅkhato paṭiccasamuppanno. sāpi avijjā aniccā saṃkhatā paṭicca-

samuppannā. evampi kho bhikkhave, jānato evam passato anantarā āsavānam khayo hoti.

na heva kho rūpam attato samanupassati na rūpavantam attānam samanupassati na attani rūpam samanupassati na rūpasmim attānam samanupassati. na vedanam attato samanupassati na vedanāvantam attānam samanupassati na attani vedanam samanupassati na vedanāva attānam samanupassati. na saññam attato samanupassati na saññāvantam attānam samanupassati na attani saññam samanupassati. na saññāya attānam samanupassati. na samkhāre samanupassati na samkhāravantam attānam samanupassati na attani samkhāre samanupassati na samkhāresu attānam samanupassati. na viññānam attato samanupassati na viññānavantam attānam samanupassati na attani viññānam samanupassati. na viññānasmim attānam samanupassati. nā'pi evam ditthi hoti. 'so attā so loko so pecca bhavissāmi nicco dhuvo sassato avipariņāmadhammo'ti. nā'pi evam ditthi hoti: "no cassam no ca me sivā na bhavissāmi na me bhavissatī"ti. api ca kho "kankhī hoti vecikicchī anitthangato saddhamme" yā kho pana sā bhikkhave, kamkhitā vecikicchitā anitthangatatā saddhamme, samkhāro so. so pana samkhāro kinnidāno kimsamudayo kiñjātiko kimpabhavo: avijjā samphassajena bhikkhave, vedayitena phutthassa assutavato puthujjanassa uppannā tanhā. tatojo so samkhāro.

bjt page 170

22. iti kho bhikkhave, so'pi saṃkhāro anicco saṃkhato paṭiccasamuppanno, sā'pi taṇhā aniccā saṃkhatā paṭiccasamuppannā. sā'pi vedanā aniccā saṃkhatā paṭiccasamuppannā. so'pi phasso anicco saṃkhato paṭiccasamuppanno, sā'pi avijjā aniccā saṃkhatā paṭiccasamuppannā. evaṃ pi kho bhikkhave, jānato evaṃ passato anantarā āsavānaṃ khayo hotīti.